

## أهمية النقد الكتابي وإثبات التحريف | أسئلة إظهار الحق 2

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين التابع من قناة الدعوة الإسلامية على اليوتيوب وعلى قناة اكاديمية رسوخ للعقيدة وعلومها على التليجرام الفيديو الثاني اللي بنناقش فيه الاسئلة حول شرح كتاب اظهار الحق للعلامة محمد رحمة الله الكيراناوي الهندي. قبل بس ما يتلقى الاسئلة - 00:00:00

في تلت تعقيبات عايز اعلق عليهم آآ بخصوص الفيديو الاول من شرح كتاب اظهار الحق. في تعقيبيين جولي بعد ما الناس سمعت الشرح التعليب الاول كان عن اسم القسيس اللي كان بينما ينظر الشيخ محمد رحمة الله الهندي اسمه ايه؟ اسمه فاندر - 00:00:25 ولا بافnder ولا ولا اسمه ايه بالزبط؟ احد الاخوة بعت لي صفحة ده على ويكيبيديا يعني الرجال له صفحة على ويكيبيديا وفيه ناس كاتبة عنه وفيه ناس مارخة عنه وعاملة له سيرة ذاتية ومؤلفاته ومعتبرينه يعني - 00:00:45

مغوار في مجال التنصير كان مشتغل بتنصير المسلمين في الهند وراجل علي معلم علمه حبر فهامة انت ازاي مش عارف اسمه يعني. هو المفروض اسم اسمه كارل جوتليب بيفندر كارل جوتليب فهو اسمه بيفندر او ده الاسم الاخير بتاعه او - 00:01:05 بتاعه عاش من سنة الف تمنمية وتلاتة لالف تمنمية خمسة وستين. يعني مات لما اتعلمت ترجمة الفنان دايك وهو معروف ان هو كريستيان ميشناري اندس كولر. كريستيان ميشناري يعني منصر مسيحي. وسكولر يعني عالم او طالب علم يعني - 00:01:25 راجل باحس يعني بيتقاول كده سكولر يعني عالم راجل باحس واكاديسي. الملحوظة الثانية انه المدرسة اللي تم انشائها في السعودية بعد ما الشيخ رحمة الله عليه عندي اه سافر للسعودية اسمها المدرسة الصولتية. مش السولتية زي ما قلت في الفيديو. نسبة - 00:01:45

الى المرأة اللي هي ساهمت في انها تأسس هذه المدرسة اسمها صولة النساء المدرسة اسمها المدرسة الصولتية. وسبحان الله انا ما ركّتش حتى لما جيت عملت او كان الكلام ده بعد ما انا صورت الفيديو. لما جيت اعمل الصورة - 00:02:10 الدلالية بتاعة الحلقة بتاعة النهاردة مكتوب عليها بالتشكيل الصولتية الصاد عليها فتحة وشد. فهي اسمها المدرسة الصولائية طيب انا تعليقي على النقطتين دول انه انا بصراحة لما جيت اشوف ان انا اشتغل في شرح كتاب اظهار الحق للعلامة رحمة الله الهندي - 00:02:27

كان في حاجات انا كنت متعمد اني ما انزلش فيها مجهد كبير لأن في النهاية المعلومات دي مش هتفيد الباحس ولا الدارس في شيء. انت مش هستفاد حاجة كبيرة لما تعرف هو اسمه ولا بيغاندر ولا - 00:02:47 ولا هو اسمه ماشي خلاص عرفنا. ما فرقش معنا حاجة برضوا انا ما اهتمتش كثير المدرسة نطقها الصحيح ايه المدرسة الصولتية مش السولتية لكن يعني حبيت ان انا اهتم بالنقاب - 00:03:02 يا اما العلمية اللي هتنفع الناس في النقاش فعلًا او اشياء تربوية او اشياء ادبية او اشياء لها علاقة بالتذكرة وامور القلب والاخلاص وهكذا هي دي الامور اللي انا حبيت ان انا اركز عليها - 00:03:18

في شرح كتاب اظهار الحق لذلك سامحوني لو بان ان ده جهل شديد مني ان يعني انت مش عارف المدرسة الصولتية وبتقولها السلطانية ولا عارف اسم القس وبتقول ولا ولا دريان بحاجة وجاي تشرح الكتاب. معلش يعني احنا في اخر الزمان واتحملوا امثال الدخلاء على العلم - 00:03:33

التالت اني اخر مرة في حد سؤال وانا ما سمعتش السؤال صح وجاوبت على قد ما على قد ما سمعت فهو كان بيسأل عن ان

ضرورة ان الشخص قبل ما يدخل المجادلة - 00:03:53

مناظرة وال الحوار هل لازم يتعلم اداب المجادلة والمناظرة؟ انا جاوبت السؤال على اساس هل لازم يتعلم ازاي يجادل ناظر ماشي اه دي طبعا انا جاوبت عليها ومش هرجع في اجابتي. لكن ايضا هل لازم الشخص يتعلم اداب - 00:04:09

واخلاقيات الحوار والمناظرة. ولازم يفهم يعني ايه حوار ويعني ايه مجادلة ويعني ايه مناظرة لازم كل الحاجات دي الانسان يكون عارفها. لازم نعرف اداب واخلاقيات الحوار والمجادلة والمناظرة. ولازم نفهم - 00:04:31

افهم التعاريفات الخاصة بهذه المصطلحات علشان نعرف امتى ده يكون حوار وامتنى دي تكون مجادلة امتى دي تكون مناظرة؟ وهل دي دعوة ولا مجادلة؟ وهل في فرق ما بين المجادلة والدعوة ولا لأ؟ الواقع ان اه انت لما - 00:04:51

كل ده هتفهم حاجات كتير وهتضبط الموضوع بالنسبة لك بشكل افضل بكثير. وده ضروري. خصوصا مش بس من الناحية التقنية يعني من من ابرز الحاجات اللي انا اتعلمتها لما جيت ادرس معنى المناظرة وجدت ان لأن علشان بالفعل يتحقق ان - 00:05:11

دي مناظرة لازم كذا شرط يكون متحقق وان للأسف الشديد حوارات كثيرة بتحصل ما بين الناس بتتسمى على انه مناظرة هي في الحقيقة وفي عرف العلماء دي مش مناظرة. ده مجرد - 00:05:31

حوار او مجادلة على اقصى تقدير لكنها لا ترتقي الى انها تكون مناظرة لان العلماء لما جم يتكلموا على ايه هي المناظرة وما هو ريف المناظرة وكذا قالوا فيها كلام كتير. ده مش مجاله دلوقتي. وبرضه من ضمن الحاجات اللي لازم الانسان يأخذ بالله منها ويتعلمها قبل ما - 00:05:51

يدخل هذا المجال انه يتعلم الاداب والاخلاقيات لان للأسف للأسف ناس كتيرة جدا المفروض انها دخلت مسل هذا المجال من اجل دعوة وان هو يعرف غير المسلمين على الاسلام وهكذا - 00:06:14

نجد في النهاية انه لا يوجد التزام اداب ولا اخلاقيات وده بيأجج من صراعات وبيأجج من آنزعاعات واحقاد وبيوصل لمشاكل كتيرة في الآخر هي ليست من اهداف الشريعة الاسلامية فيما يخص - 00:06:36

ان الشريعة سمحت للمسلمين اصلا بالحوار والمجادلة والمناظرة يعني في اهداف لازم نحققها بوسائل معينة عن طريق اداب واخلاقيات معينة علشان نقدر نحقق هزه الاهداف. ففي النهاية لازم المسلم يعرف الاداب والاخلاقيات الخاصة بالحوار والمجادلة - 00:06:56

والمناظرة ويكون عنده علم ويحاول انه يكتسب الخبرة علشان خاطر لما يدخل في مسل هذه المجالات ربنا يوفقه ينصر الاسلام والمسلمين وما يعينش الكفار على كفرهم. نقدر بقى نستقبل اسئلة كيف يجيب الوالدين عن اسئلة الابناء - 00:07:16

الايمانية مسل سؤالهم عن خلق الله مسلا. سؤالهم من خلق الله؟ من خلق الله؟ السؤال ده انا كنت محدد ان انا باذن الله عز وجل اعمل آآ فيديو عن الموضوع لان دي كانت من الاسئلة المتكررة ناس كتيرة جدا بتسأل اعداد الاطفال من الناحية الايمانية واعداد الاطفال من الناحية - 00:07:36

العقائدية والكتاب اصلا من اعداد مركز دلائل بهذا العنوان اسئلة الاطفال ايمنية. لعل هذا الكتاب اصلا يكون من ضمن الكتب المفيدة في المجال لكن كان الموضوع له اكتر من شق وله ابعاد مختلفة كثيرة ومعقدة لان - 00:07:58

هي داخلة في موضوع التربية بشكل عام يعني لازم الاب والام اولا يكونوا آآ جاهزين من الناحية العلمية على انهم يروحوا على مسل هذه الاسئلة وبالتالي الاسئلة دي مثلا في مواضع العقيدة المختلفة او الاسئلة دي في موضوع الایمان والالحاد - 00:08:18

وابيات وجود الله ولا الاسئلة دي في مجال آآ اثبات صحة الدين الاسلام واصول الاسلام عن وحي القرآن وعن السنة النبوية الشريفة وكذا. فبنحن الاب والام للمناهج الدراسية او الكتب المتعلقة تعليم الكبار بالبالغين - 00:08:38

هذه المسائل مفروض بقى ان الاب والام اصلا يكونوا مسلمين كويسيين درسو اصول عقيدة ودرسو آآ على الاقل لان احنا دلوقتي بقينا في عالم يعني انا دايما بقول انت مثلا في مجتمع - 00:08:58

اه شابع في اسئلة عن الایمان والالحاد يبقى انت لازم تقرأ في الموضوع كتابين ثلاثة شابع فيه مثلا التنصير يبقى انت لازم تقرأ في

الموضوع كتابين ثلاثة. شائع فيه مسلاً موضوع التشيع او البهانية او الاحمدية او - [00:09:13](#)

او القرانية او العلمانية او اي للأسف بلاء احنا عايشين فيه لازم انت تكون قاري في الموضوع دي كتابين ثلاثة علشان خاطر تحصن نفسك وتحصن المقربين لك خصوصاً اولادك اولاً. وفيه بقى الجزء الثاني في الموضوع له علاقة - [00:09:29](#)

بتربيبة الطفل نفسه وملحوظته من الناحية النفسية وهل هو بيسأل الاسئلة دي فعلاً من اجل الحصول على علم والمعرفة ولا هو بيسأل الاسئلة دي علشان لفت الانظار انا فات علي بعض الاطفال اللي كانوا بيقولوا لبائهم وامهاتهم - [00:09:49](#)

فيما يخص الدين والايمان والعقيدة ولما تبحث في الموضوع بشكل متعمق تجد في النهاية انه هو ما بيقولش الكلام ده غير علشان هو متضايق منامه وعايز يغيب عنها. او في مشكلة في البيت بسبب الاب والام فهو عاوز يقول يا جماعة انا موجود. اهتموا بي شوية او ايا - [00:10:09](#)

كان فبرضو الناحية دي مهمة جداً. وبعدين الناحية الثالثة بقى ان في بعض الكتب وفي بعض المؤلفات المتعلقة تقديم هذه الاجابات عن آآ الاسئلة الایمانية اللي طفل بيسأل عنها باذن الله عز وجل انا هعمل فيديو على قناة الدعوة الاسلامية هحاول اجمع فيها على قد ما اقدر الكتب - [00:10:29](#)

اللي تفید المربی من ناحیة الاطفال من ناحیة اخري لان في مثلاً على سبيل المثال الموسوعة الذهبیة الطفل المسلم بتاع الشیخ محمود المصری. مجھود ممتاز جداً جداً في تعليم الطفل المسلم. الفقه وقصص القرآن - [00:10:54](#)

قصص الانبیاء والعقيدة موسوعة كبيرة موجهة للطفل في مثلاً زي ما قلت ان مركز دلائل عامل مجموعة تربوية ممتازة جداً مقدمة للامهات ومقدمة للاطفال فيما يخص هذا المجال. هحاول على قد ما اقدر ان انا - [00:11:14](#)

ومع المادة اللي تنفع المربی والمادة اللي تنفع الاطفال واعرضها في فيديو مستقل قريباً جداً باذن الله عز وجل. كتعليق اخير بس فيما يخص سؤال من خلق الله تحديداً الفكرة ايه ؟ السؤال ده ممكن يكون صعب حتى بالنسبة لبعض الناس الكبار من خلق الله ؟ لو انا - [00:11:35](#)

في الاجابة ومقتنع باجابة معينة لازم نحاول الاول ان انا اشوف ابسط طريقة ممكنة لتوصيل هذه المعلومة للطفل اللي بيسألني السؤال. الموضوع ده بييجي من خلال الاطلاع على رد هذا السؤال من اكتر من مصدر. اشوف هي الناس - [00:11:55](#)

بشكل عام بتجاوب على السؤال ده ازي؟ فابتدي اكتسب خبرة ازي اوصل الاجابة بابسط طريقة. فعلی سبيل المثال واحد يقول لك يعني السؤال ده ما يتسلل السؤال ده بالضبط كانك بتسأل مين اللي خبز الخباز؟ فالخباز بيخبز الخباز ما بيتخبزش - [00:12:15](#) فممکن بطريقه بسيطة خالص زي كده الطفل يفهم اه لأن ده ربنا خالق وما ينفعش يبقى مخلوق زي ما الخباز ما بيتخبزش في الفرن. وخلص الكلام بجملة بسيطة جداً والطفل يوضح على ان السؤال ساذج والملحدین بيسألو اسئلة ساذجة ويخلص الموضوع - [00:12:35](#)

ممکن فيما بعد بقى ندخل بقى في تفاصيل اكبر. هو ليه السؤال ده غلط ومش يعني والدكتور سامي عامري كاتب في هذا الكتاب يعني كاتب في هذا السؤال كتاب علشان بشكل فلسفی وبشكل - [00:12:58](#)

مفصل يقطع دابر الملاحدة اللي بيتحججوا بهذا السؤال وكأنه يعني سؤال لو لبى ما ما فيش زيه. ذكرتم حفظكم ان في منازرات اليوم لا نجد حديثاً عن اثبات النسخ في كتب اليهود والنصارى مع كون هذا المد المبحث ذات اهمية فما سبب ذلك؟ قلت - [00:13:14](#) احتفالاً في المحاضرة انه نادراً ما حد بيتكلم عن موضوع النسخ. وبيتم الاكتفاء بموضوع التحرير. ولعل السبب في ذلك انه كأنها معلومة ضمنية لما اثبتت التحرير يبقى تم ابطال العمل بهذا الكتاب يبقى - [00:13:34](#)

بالتالي لازم اشوف كتاب اخر يحل محل هذا الكتاب ويبقى هو ده معنى النسخ. ان بالفعل الكتب السماوية السابقة دي لم تعد نافعة من اجل احنا نستقي منها ادب او نستقي منها اخلاق او حتى نستقي منها عبادة او نستقي منها فقه. فهو ده معنى - [00:13:54](#)

الناس ليه بقى هو منسوخ وايه الدليل على انه منسوخ؟ فيبقى من ضمن ادلة النسخ الواقعية ان اكيد ما دام الكتاب محرف وما لوشن

مصادقية ولا لهم موسيقية يبقى ما ينفعش ان احنا نبني عليه عقيدة وما ينفعش نبني عليه آآ عبادة وعمل. وبالتالي جزء مكمل -

00:14:14

موضوع طب انت خلاص اسبت لي ان الكتاب المقدس محرف وانا مش هقدر اعمل به. ايه بقى اللي هيأخذ مكانه بيتدى اثبت له بقى مصادقية ومصادقية القرآن الكريم وان القرآن الكريم موحى به من الله والكلام ده كله. السؤال رقم ثلاثة استاذ محمد هل فعلا فيه بواقي من الوحي في العهد الجديد؟ لأن -

00:14:34

نعرف ان انجيل المسيح ضاع فكيف ممكن ان نقول ان الاناجيل منسوبة الى تلاميذ المسيح فيها باوائل من الوحي وهي ليست انجيل المسيحي المحرف من الاساس والجزاك الله خيرا طيب السؤال ده مهم جدا مفهوم بواقي من الوحي ده ممكن نحاول ان احنا نزبطه اكتر او نوضح -

00:14:55

اكتر. المقصود في النهاية ان الكتب اللي ما بين ايدين اهل الكتاب اليهود والنصارى العهد القديم والعهد الجديد فيها ما افق الوحي اللي موجود عند المسلمين في القرآن الكريم والسنة النبوية الشريفة. لأن ممكن الواحد يفهم انه هل الاسفار دي فيها بوائي وحي -

00:15:15

معنى ان الاسفار دي لها علاقة بشكل او باخر بكتب او مصادر موحى بها من الله. المشكلة ان ده يمكن يكون صحيح وممكن ما يكونش صحيح. بمعنى ايه؟ لما بنجيبي نتكلم عن مصادر نص العهد القديم او مصادر نص العهد الجديد بمعنى -

00:15:35

الكتبة اللي كتبوا هذه الاسفار. جابوا مصادر المعلومات اللي دونوها في هذه الاسفار منين؟ احنا ما نعرفش بالظبط جابوها منين. هل كتبت الاناجيل اربعة. كان ما بين ايديهم اناجيل قديمة او كان ما بين ايديهم مصادر بالفعل -

00:15:55

انتقلت عن المسيح عليه السلام بشكل او باخر. بعض الناس ممكن ترجح ده بالفعل لأن احنا بنلادي بالفعل في الاناجيل الاربعة اقوال موافقة اقوى للوحي اللي موجود في الاسلام العظيم. ممكن بعض الناس يقول لك ده يعني كان مجرد نقل كده من مصادر هذه -

00:16:15

المصادر نفسها اللي كتبت الاناجيل جابوا منها المعلومات لم تكن بواحي من الله عز وجل لكن ده كانت تحتفظ اخويها المنسوبة للمسيح موحى بها من الله. المشكلة ان احنا ما نعرفش فهي الخلاصة لازم نكون متأكدين ان بالفعل العهد القديم بيحتوي على -

00:16:35

ما يوافق الوحي وان العهد الجديد بالفعل خصوصا الاناجيل الاربعة بيحتوي على ما يوافق الوحي. القرآن الكريم والسنة النبوية الشريفة بل ان القرآن الكريم بيtalk عن الي موجود ما بين ايدين اليهود والنصارى يعني الاية اللي جت على ذهني -

00:16:55

وكيف يحكمونك وعندتهم التوراة فيها حكم الله فيما يعني ما زال باقي عندهم في التوراة حكم الله فيما يخص رجم الزاني. والقصة المشهورة ان اليهود قالوا للنبي محمد صلى الله عليه وسلم ده زاني نحكم عليه بايه؟ طب -

00:17:15

انت شريعتكم فيها ايه فكذبوا فيما يخص شريعتهم. فعبدالله بن سلام قال لأ دول كذابين التوراة فيها الرجم. فنزل القرآن الكريم بيكت اليهود ان النصابين الكذابين اللي كانوا عاززين يهربوا من شريعتهم علشان يشوفوا حكم اخف من الرجم فلجلأوا للنبي -

00:17:35

محمد صلى الله عليه وسلم رغم انهم عارفين ما هو حكم الله في المسألة اللي بيسألوها عنها. لو قلنا بقايا وحي يعني بعض محتوى العهد القديم والعهد الجديد يوافق الوحي اللي موجود عندنا في القرآن الكريم والسنة النبوية الشريفة. بغض النظر المحتوى المخالف للوحي -

00:17:55

ده وصل لهم ازاي؟ هل هو من قول بشكل مباشر؟ من مصدر موحى به من الله؟ ولا ده من مجل ثقافتهم وتراثهم اللي اكتسبوه من خلال مخالطتهم للأنبياء والرسل على مر تاريخ بني اسرائيل -

00:18:15

طيب آآانا باكدا في الآخر ان حتى لو الاناجيل الاربعة آآ ما لهمش علاقة مباشرة بانجيل المسيح او بالفعل ما كتبهاش تلاميذ المسيح اللي خده من المسيح بشكل مباشر الا انه واضح جدا ان كتبت الاناجيل -

00:18:31

زيهم زي كتبة العهد الجديد خدوا من التراث اللي كان متوفّر عندهم. وخدوا من المصادر اللي كانت متوفّرة عندهم. المصادر دي احنا  
ما نعفّش مدّ ارتقاطها بالمحاجة - حفظت لنا ما بهافة حفظت لنا ما بهافة 00:18:50

ما نعرفش مدى ارتباطها بالوحى لكن في النهاية هي حفظت لنا ما يوافق. حفظت لنا بعض ما يوافق - 00:18:50

الوحى اللي موجود في القرآن الكريم والسنّة النبوية الشريفة. السؤال رقم أربعة. استاذ محمد ممكّن تعلم فيديو عن سفر التكوين

وعن مشكلة بداية الصفر في النص العربي من حيس ترجمته - 00:19:10

انا مفروض عملت فيديو قبل كده عن سفر التكوين ضمن آسلسلة فيديوهات آآ محتويات العهد القديم. فممكّن ترجع ده علىشان

تستفيد آآ منه في بعض الفيديوهات الأخرى اللي اتكلمت فيها عن بداية سفر التكوين وأول اصحابين في سفر التكوين برضه ممكن

فی - 00:19:20

بعض احاول اجمع هذه الروابط واحظتها على قناة الدعوة الاسلامية على التليجرام. للي عاوز يرجع لها. لكن لو انت بتتكلم تحديدا على علي المشكلا المتعلقة لقاء باول نص اه في البيت ده خلق الله السماوات والارض وكانت الارض خاربة وخالية وكذا وهل النص

ده بفید یاز خلقِ الکون اه حادث و لہو یقصد - 00:19:40

وكان الأرض خاربة وخالية يعني، لأن عملية الخلق كانت عبارة عن إعادة تدوير لمادة كانت موجودة قبل كده فانا احيلك لكتاب آآآ

من خلق الله للدكتور سامي عامري فمن خلق الله للدكتور سامي عامري؟ عامل، فصل في آخر الكتاب - 00:20:03

يبيتكلم فيه عن المشكلة دي. بيتكلم ببساطة إن آغالبية النصارى المعاصرین الان بيستدلوا بنظرية الانفجار الكبيرة الجار العظيم على

حدود الكون ويفقولوا ان ده يتوافق الكتاب المقدس لأن الكتاب المقدس يعلم بحدوث الكون - 00:20:23

فالدكتور سامي عامري قال انه اعتقاد ان الكون حادث لم يكن هو الاصل عند اليهود ولا عند النصارى وان اليهود اوائل والكثير من

- النصارى الـأوائل لما كانوا يفسروـا في الـبداية خـلـق الله السـمـاـوات والـأـرـض، وكانت الـأـرـض خـارـجـة وـخـالـيـة ما كانـوشـ يـفـهـمـوا النـصـ.

00:20:41

سامي عامري فمن خلق الله فايدة كبيرة ان شاء الله. طيب هنا سؤال سادس بيقول بيقول تابعت سلسلة اديان العالم ما - 00:21:01

آثار انتهاي وتساؤلي السلسلة اسمها آ دراسة الاديان الوضعية. الاديان الوضعية ما علينا. فكرة الخلوة والتأمل اجدها مشتركة بين

الحكماء وبين الانساع، لماذا النبـر، صلـى الله علـيه وسلـم ايضا قـيا، النبوة كانـت بـختـلـ، وـنـتاـماـ، باـحـثـاـ عنـ الحـقـقـةـ - 00:21:21

سؤال، ما سر هذه العلاقة وما هي، ضوابط الخلوة؟ وهما هما مذمومة مقر الاسلام؟ آأيعنى الموضوع ده ممكن يكون فيه تفصا

شرع، كتير بس الله، أنا حاب الفت الانزار الليها ان في فرقه، كبير جدا فرقه، كبير جدا ما بين التأامن والمديتاشن حسب - 00:21:37

اديان الهند زء، الهندوسية والبودية دى، حالة والتأمل، والخلوة حاجة تانية. التأمل، والخلوة بحسب الله، الله، مذكور عن النبي، محمد

صلی الله عليه وسلم في غار حراء والمذكور عن انباء آخرين ذي سیدنا ابراهیم علیه السلام وغيره. ده المقصود به - 00:21:57

الله مذكور في القرآن الكريم من انك تتفكر في الكون وتتفكر في

من خلال هذا التأمل في الكون المشهود اللي امامك - ١٧:٢٢:٠٠

تصل من خلال هذا التأمل الى الايمان بوجود الله عز وجل والايمان بان الله واحد والايمان ببعض صفات الله عز وجل

وعليم وحكيماً وبديعاً وهكذا. لكن بقي في الأديان بتاعة الهندوسية والبوذية والبتتجانية ما يقصدوش - 00:22:35

کده خالص ما بیقصدوش ان انت تتأمل فی الكون وتفکر فی بدیع لا ده هم بیقدح

تتفكر في الكون وتتنظر في خلق الله وتصل إلى وجود الله خالص - 00:22:55

لأن على سبيل المثال البوذية أصلا ديانة الحادية زي ما أنا شرحت قبل كده في المحاضرات.

قبل بکده حتی رأي بودا في الموضوع كان يمتنع خالص ان هو يتكلم عن الله - 13:23:00

وشايف ان الموضوع ده ما يستاهلش الكلام فيه يعني. فدي حاجة ودى حاجة. اللي كان عليه الانبياء واللى كان عليه النبي محمد

صلى الله عليه وسلم هو الذى ادى ده الى الايمان بوجود الله عز وجل والايمان بوحدانية الله عز وجل والايمان بان الله عز وجل كبير

وآقادير وحکیم - 00:23:29

وعلیم وكذا فلا يمكن تكون عبادة الاصنام عبادة حقيقة. ولا يمكن تكون هذه الاديان الباطلة اللي فيها وثنیات وشرکیات دیانات تقیة وهکذا فبالتالي ان الانسان يختلي من اجل التأمل ده جائز شرعا وانه ينظر في ملکوت الله عز وجل - 00:23:49  
ده جائز شرعا وما فيهاش مشكلة. لكن خلي بالك اللي اللي بيعملوه آآ الهندوسية والبوذية والكلام ده كله تجد انه يعني شيء يحتاج الى تدريب وتعليم. مش شيء ممكن اي حد يعمله - 00:24:09

وانه عندهم اسالیب مختلفة وطرق مختلفة ومدارس مختلفة فيما يخص هذه الاشكال المختلفة من تأمل هو في الآخر لا يقصد العالم الخارجي هو يقصد انه كانه يغوص في اعمق نفسه ويكتشف ذاته الجوانية - 00:24:26  
شو على اللي مش عارف ايه واسيء كلها ما لهاش اي علاقة باللي آآ الانبياء عليهم السلام كانوا بيعملوه من اجل الوصول الى بعض المعرف عن الله عز وجل. السؤال بعد كده هناك - 00:24:50

شبهات في مجال الارکيولوجيا حول الاحداث التاريخية في القرآن الكريم وحول الانبياء كيف يمكننا الرد عليها؟ طبعا اه الموضوع ده اه الدكتور سامي عامري كاتب عنه كتاب اللي هو كتاب الوجود التاريخي للانبياء. واهم ما في الكتاب هو الجزء الاولاني المتعلق - 00:25:05

ده مصداقية وموسقية الاكتشافات الارکيولوجية؟ وهل هي بالفعل ادلة قطعية وواضحة على آآ انها تناطح القرآن الكريم او تعارضه او تعارض السنة النبوية الشريفة وهکذا. الواقع يا اخي الكريم ان الموضوع ده موضوع تخصصي ويحتاج الى - 00:25:25  
انك تطلع فيه على الكتابات المتخصصة اللي بتتناول هذه المواضيع. لكن هي بالنسبة لي شبیهه جدا باللي بیحاول بیعارض الدين بالعلم. الناس اللي بیتحاول تعارض الدين بالعلم الطبيعي. لازم في الاول ان الانسان يبني في نفسه ثقة قوية جدا - 00:25:46  
بان القرآن الكريم كلام الله وان القرآن الكريم موحى به من الله وانه بالنسبة للمسلم المرجع الاول والآخر فيما يخص المعرفة والمعرفة الصحيحة المعرفة الحقيقة المعرفة اللي يوم اللي لا يمكن يكون فيه اصح منها ولا اقوى منها. وبالتالي - 00:26:06  
على على ضوء هذه القناعة وعلى ضوء هذا اليقين الانسان بیبتدي بیتعامل بقى مع مسل هذه الشبهات. وزي ما قلت قبل كده انت لما بتتعمق ولما بتتخصص بتتجدد ان لا - 00:26:26

بیتم طرحه مش بالقوة اللي الناس اصحاب الشبهات بیطروحوا بها شبھهم. يعني على سبیل المثال دایما بارجع للكلام عن الداروینية واژای الداروینية بشكل عالمی بیتم تعزیزه والوقوف وراه وانها حقيقة علمیة ولا يمكن التشکیک فيها لما تدخل - 00:26:42  
ادخل بقى في قلب المطبخ فيما يخص اثبات صحة الداروینية والادلة عليها. ومیم بیعترض عليها ومیم ما بیعترضش عليها وتبحث وتشوف وتقرأ بتكتشف في الامور على حقيقتها وان اللي انت بتتناولوا تناطحوا به القرآن والاسلام اوهن من بیت العنکبوت - 00:27:02

فيعني هو ده تعليقي عن الموضوع انه اغلب ما يقال عنه ادلة ارکيولوجية غالبا كل ما كان اقدم كل ما كانت دلالته اوهن واضعف وصعب جدا ان انت آآ تناطح بها الاخبار الموجودة في القرآن الكريم وبكر مرة تانية ارجع لكتاب الدكتور سامي عامري الوجود التاريخي للانبياء المتعلق - 00:27:23

ادلة ارکيولوجية على وجود الانبياء هو اتكلم بتفصیل شدید حول هذا العلم ومدى موسقیته ومصداقیته وقوه ادلته وهکذا. السؤال رقم تسعة آآ لماذا تعطي الكتابات الحديثة امر التحریف والنقد الكتابي النصیب الابکر من النقاش وتعطیه الكثیر من الوقت والجهد. رغم ان اصل الاعتقاد عند النصاری هو عبادة المسيح من دون الله والاعتقاد بالتسليس والاقالیم - 00:27:51

وهذه هي اصول الاعتقاد عندهم وهي غير موجودة اصلا بكتبهم ولا يوجد لها اي نصوص صریحة في الكتب لديهم. بص يا اخي الكريم النصاری بیضعوا اصول قل وضوابط وشروط فيما يخص العقيدة الصحيحة ازاي نقدر ثبت انها عقيدة صحيحة. فالنصاری بیؤمنوا - 00:28:16

التقلید الارثوذکس والکاثولیک والبروتستان مع خلاف حول بعض التفاصیل التلاته بیؤمنوا بما یسمی التقلید التقليد ده عبارة عن

ايه؟ التقليد ده معناه انه شخص كان معه حاجة كأنها قلادة حاجة هو لابسها حوالين رقبته - 00:28:38

بيجي بعديه واحد فالاولاني بيقلد الثاني هذه القلادة. ففيها معنى التسليم. وضررت مثال قبل كده اني هذه القلادة فيها كتاب بيحتوي على العقيدة فانا لابسها انا الجيل الاول لابس هذه القلادة اللي فيها كتاب مدون فيها العقيدة. الجيل اللي بعدى باقوم سلموا هذه القلادة - 00:28:58

ده عندهم هو تسليم العقيدة من جيل الى جيل ابتداء بال المسيح عليه السلام اللي سلم تلاميذه وتلاميذه واتبعهم وصولا الى اباء الكنيسة. كوييس. طيب التقليد ده بقى يعني لو احنا عاززين نرجع له عشان نشوف ايه اللي مكتوب في - 00:29:24  
فيه نرجع لايه ؟ طبعا انا شرحت الكلام ده بالتفصيل في السلسلة بتاعة مدخل اللي دراسة الكتاب المقدس ومصادر التقليد والكلام ده كله لكن الخلاصة ان المتفق عليه عند النصارى ان الكتاب - 00:29:44

المقدس هو المصدر الاول والرئيسي للتقليد. وبالتالي باتفاق النصارى ان المفروض ان العقائد المسيحية الكبرى لها اصل في الكتاب المقدس وان اي خلاف حول العقيدة علشان خاطر النصارى ينتصروا لعقيدة معينة لازم يرجعوا للكتاب - 00:29:58  
مقدس ويستدل من الكتاب المقدس على صحة عقيدتهم. وبالتالي الجملة الاخيرة في السؤال ان هذه العقائد غير موجودة اصلا كتبهم ولا يوجد لها اي نصوص صريحة في في الكتب لديهم المسيحي لن يقبل ذلك. لن يسلم بذلك - 00:30:23  
مسيحي هيقول لك ان انا ايماني منصوص عليه في العهد الجديد الثالث المسيحي موجود في العهد الجديد. التجسد والوهبة المسيح موجود في العهد الجديد الصلب والفاء موجود في العهد الجديد. اصول العقيدة المسيحية هو هيقول لك انا لا يمكن اؤمن بعقيدة جوهرية زي كده الا ويكون لها اصل في - 00:30:43

الكتاب المقدس وحتى لما بعض الناس يدعوا طبعا هو ده الخلاف بقى ما بینا وما بینهم. حتى لما بعض النصارى بيدعوا انه قانون الایمان اللي منصوص عليه اللي منصوص في العقيدة المسيحية آآ بالحقيقة نؤمن بالله واحد. الاب خلق الكل ومش عارف مين وبرب واحد وآآ - 00:31:05

ونؤمن بالروح القدس الرب المحيي المنشق وكنيسة واحدة جامعة. قانون الایمان باقسامه. المسيحي هيقول لك ان قانون الایمان ده ما عدا الفاظ بسيطة هي متاخدة نصا من الكتاب المقدس. هو هيديعي ده وهيقول لك انه هات لي - 00:31:25  
اي مقطع من مقاطع قانون الایمان وانا اجيب لك ايه اصلها من العهد الجديد. طبعا يعني ده على الاقل هو موقف المسيحي التقليدي وبالتالي احنا ليه بقى بنهم بموضع النقد الكتابي والنقد التاريخي واثباتات تحريف علشان خاطر هو ده اللي - 00:31:44  
افتتحي الباب ان احنا نوضح للمسيحي بالفعل ان لا اسفارك المقدسة دي العهد الجديد ليس فيه نصوص تعلم بشكل لواضح او تعلم بشكل صريح او فيها تعلم واضحة عن السالوس او عن التجسد او عن ان المسيح هو الله وانه الله حقيقي مستحق للعبادة. الكتاب ممكن يكون فيه بعض النصوص - 00:32:04

اللي بتتكلم عن الصلب والفاء لكن بمفاهيم جوهرية مختلفة عن الصلب والفاء حسب ما تم وضعه من قبل اباء مجمع نيقيا او ابا عصر مجامع في القرن الرابع والخامس. النقد الكتابي هو اللي بيفتح الباب لده. لما جم البروتستانت وانا شرحت الكلام ده في محاضرات اظهار الحق لكن - 00:32:27

كان في محاضرات قادمة باذن الله عز وجل. لما البروتستانت وقعوا في خلاف عقائدي مع الكاثوليك. ليه ابتكرروا هم النقد الكتابي او طبقوا النقد التاريخي على الكتاب المقدس علشان كانوا عاززين يصلوا الى قواعد وضوابط واضحة ازاى نقدر نفرق ما بين العقائد الصحيحة والعقائد الباطلة والله - 00:32:47

الكنيسة الكاثوليكية دي احنا شايفين انها اخترت عقائد. اللي هي المطهر وزوايد فضائل القديسين وصكوك الغفران. البروتستانت قالوا الكنيسة الكاثوليكية طرأت العقائد دي. الكنيسة الكاثوليكية قالت لا دي لها اصول في الكتاب المقدس. فبدأوا من هنا يقولوا لأ ما دام انت بقى هنحط - 00:33:10

حط قاعدة ان لازم اي عقيدة يكون لها اصل في الاسفار المقدسة. انت بقى فهمتم ازاى ان العقائد دي لها اصل ويطبعوا بقى علم النقد

الكتابي وتطبيق النقد التاريخي والنقد الأدبي على الأسفار الكتابية وهكذا. يبقى في النهاية لما كل الناس - 00:33:32

طرب يقرروا ان لازم العقائد يكون لها اصل في الأسفار الكتابية. ونقوم احنا بمنتهى البساطة ثبت ان الأسفار الكتابية ليس لها مصداقية ولا موسوقية يبقى احنا خلاص كده ايه شلنا من على اكتافنا حمل مناقشة النصوص اللي هم هيدعوا - 00:33:52

انها بتبدل على الثالوث وبتبدل على التجسد وبتبدل على الوهية المسيح وبتبدل على الصليب والفداء. اصل حتى لو المسيحي تنازل وقال لك الثالوث مش موجود في العهد الجديد. ولا التجسد موجود في العهد الجديد ولا الوهية المسيح موجود في العهد الجديد

الصلب والفداء موجود. المسيح - 00:34:12

طلب ومات وام الاموات موجود. لازم نؤمن بان المسيح اتصلب ومات وقام الاموات موجود. يبقى خلاص. حتى لو هزه العقيدة اللي منصوص تالاف رسائل بولس ما كانش لها اي علاقة بالتجسد ولا الثالوث. انا انا اتناقشت قبل كده مع شخص متنصر والحمد لله -

00:34:34

وحل ربنا رده للإسلام ردا جميلا بعد حوارات دامت لاكثر من سنة. وصل لمرحلة انا ايماني ايمان الاريوسيين. ايهرأيك بقى ؟ اريوس اللي كان عايش في القرن الرابع وكان بيذكر الثالوث - 00:34:54

وكان بيقول ان المسيح مخلوق وما كانش بيؤمن بالتجسد ولا الوهية المسيح. بس انا مؤمن بالصلب والفداء. اه الصليب والفداء موجود في الكتاب المقدس فيبقى انت ايه الحل بقى الحل اللي الكتاب المقدس ليس له مصداقية ولا موسوقية - 00:35:12

ازاي تقيم عقيدتك على كتاب احنا ما نعرفش مين اللي كتبه ما نعرفش جاب المصادر دي مصادر معلوماته منين اصابها التحدى بكل الاشكال والانواع كان فيه خلاف على تكوينه وما هي الأسفار اللي المفروض تكون ضمن الكتاب المقدس وبالتالي ايه ده بيصل الى مرحلة ان اه بالفعل الكتاب - 00:35:28

لا استطيع ان اتكل عليه فابني منه عقيدة ايا كانت العقيدة دي. لأن واحد ممكن يقول لك اه شهود يهوى هم اللي صح وعقائدهم في الكتاب المقدس الله! انت احنا هنهرج بقى وهنقدر نلعب! فيه ناس كده! فيه ناس وصلت للمرحلة دي ان خلاص الارثوذكس والكاثوليكي والبروتستانت اللي بيؤمنوا - 00:35:51

والсалوس والتجسد. وانا اقتنعت فعلا ان العقائد دي مش موجودة في الكتاب. هم عقائدهم بغلط. بس انا ما زلت متمسك بالكتاب. يبقى انت انك اقرت لي ان اللي موجود في الكتاب هو اللي صح. السالوس والتجسد عقائد وحشة مش موجودة في الكتاب. امشي يا سالوس امشي يا تجسد. نشوف بقى ايه اللي موجود في - 00:36:14

طب ونؤمن به مهما كان وده امر في غاية العجب لأن الكتاب مليان يعني كلام عن الله وكلام عن الانبياء في غاية العجب ان لا يمكن حد يؤمن بالكلام ده ومع ذلك تجد ان في ناس مؤمنة لأنها ما زالت مفتونة. تقول لك اصل ده تراثبني اسرائيل - 00:36:34 وانبیاء العهد وكذا والاصفار دي كتبها الانبياء والاصفار دي كتبها تلاميذ المسيح اقصر طريق لهم المسيحية هو هدم اهم مصدر في المسيحية. بغض النظر عن ما هي هذه المسيحية - 00:36:57

انت عايزني اعتنقها قل لي ايه مصدرها الكتاب المقدس خلاص متفقين على كده؟ اه متفقين. نسبت ان الكتاب المقدس ما لوش مصداقية ولا موسوقية يبقى احنا خلاص هدمنا المسيحية ايا كان شكلها. علشان كده امر التحرير والنقد الكافي لازم يكون لهم النصيب الاكبر في النقاش وعلى - 00:37:14

عشان كده الشيخ رحمة الله الهندي اصاب لما خلى الموضوع ده رقم واحد اول حاجة نتكلم فيها قبل ما نتكلم عن اي حاجة تانية. تكملاً للسؤال هل ممكن نكتفي في اثبات التحرير عندهم ببعض الطبعات الحديثة الكتاب عندهم زي وضعهم الاقواص حول بعض النصوص المضافة؟ بص يا اخي - 00:37:34

موضوع الاكتفاء ده له علاقة بالشخص اللي انت هتتكلم معه. الشخص اللي انت هتتكلم معه تحتاج تمثي معه قد ايه علشان يقتتنع ان الكتاب المقدس ما لوش مصداقية ولا موسوقية. فيه بعض النصارى يكفيهم زي ما انا قلت في المحاضرة - 00:37:54 اسباب ان نص واحد محرف وده غالباً بيكون شخص متأثر جداً بالتراث الإسلامي واعتقاد المسلمين في القرآن وهو عايش في وسط

بيئة ملئها المسلمين فقال لك اه المسلمين بيمونوا ان القرآن الكريم كلام الله موحى به لفظا ومعنى اه لا يأنه الباطل من بين يديه ولا

- 00:38:14

خلفه ما اتحرفس ولو في حرف ولا في تشكيلة الكتاب المقدس كذلك. فبمجرد ما بتثبت له يا عم ده انت عندك نسخ كتاب مقدم دول ضايفين اسفار ودول حازفين اصحابات ودول شايلين اصحابات ودول حاطين نصوص ودول شايلين نصوص - 00:38:38

المستوى العام ده ممكن يهز كيانه ونكتفي بهذا القدر. والكتاب المقدس فقد مصاديقته وموثوقيته خلاص كلامني بقى عن القرآن الكريم. وخليل بالك النقطة دي مهمه لازم يكون فيه جانب مقارنة لأن في الآخر لو انت ما كلمتوش - 00:38:59

البدليل هيقول لك خلاص والله بص مهما كان حال الديانة اللي عليها سيء والله هو ده اللي عندي. اعمل ايه يعني هو ده اللي عندي. فبتقول له لأ في عندك سبيل اخر وبدليل اخر. في بعض الناس بقى مطلعين على موضوع تحريف الكتاب المقدس ده - 00:39:19

فيبيتوا بقى يعرضوا بعض الحجج الأخرى. فيقول لك والله لأ ده التحريف اللي حصل في الكتاب المقدس لا يفقد الكتاب المقدس داس مصاديقته ويبيتدي يحط حجج اعمق او يطرح اطروحات اعمق تحتاج الى نقد اعمق - 00:39:39

او تحتاج الى بيان ان تأثير التحريف على مصداقية ومصداقية الكتاب اكبر بكثير. وان انت ما ينفعش تقول ان لأ الكتاب بشكل عام له مصداقية افقية ما عدا بس بعض النصوص البسيطة اللي احنا عرفنا ان هي مضافة من خلال النقد الكتابي. لكن باقي الكتاب زي الفل.

لذلك - 00:39:59

تجد ان سلسلة اسباب تحرير الكتاب المقدس عندي على قناة الدعوة الاسلامية عليها عشرات الفيديوهات لأن ساعات على حسب الشخص اللي بتكلمه يحتاج الى ابنك لأ هيطرح لك اطروحات اعمق يعني هيبيتدي يقبل ان الكتاب المقدس محرف ولكن مع -

00:40:23

سيدعني ان رغم انه محرف الا انه نقدر نتعلم منه العقائد وما زال له مصداقية وموسيقية. يعني انا باعتقد بخصوص بقى هذا السؤال ان اه بالنسبة بي العظمى من عوام المسيحيين. المؤثرين بالثقافة الاسلامية اللي بيقارنوا نفسهم بالمسلمين. اللي بيمونوا -

00:40:43

في الكتاب المقدس زي ما المسلمين بيمونوا بالقرآن مقارنة الترجمات الحواشى اللي موجودة في الترجمات والتعليقات الهامشية هكذا في الغالب هتكون كفاية وزيادة لأن غالبا المسيح العالمي ده هيتصدم صدمة عمره. أما بقى المسيحي الثاني اللي زي ما بنقول كده بالمصري جلد تخين - 00:41:07

ان خلاص يعني كانه حصل له غسيل مخ. الكتاب محرف؟ لا يا عم اللي حصل فيه ده ما يفقوهش. ميت نص محرف ميتين نص الرف متين الف نص محرف ايه يا جدعان يا اللي هو يعني بقى عنده كان عنده قناعة ان مهما قلت لي - 00:41:30

ما زال الكتاب له مصداقية. فده بتضطر بقى ان انت ايه تكلمه بقى في حاجات تانية. وانا زي ما قلت قبل كده ودي نقطة مهمة الكلام عن كتبة الاسفار ومجهولية الكتبة ومجهولية مصادر الكتبة اهم بكثير جدا من الكلام عن التحريف اللي حصل فيما بعد - 00:41:50

اثناء انتقال النص تاريخيا. لأن انا لو اثبتت من البداية ان الكتاب ده في الاصل من بداية تدوينه. ما لو ش مصداقية بقى خلاص الموضوع انتهى. مش مهم بالنسبة لي النص ده حصل له ايه مع الزمن؟ هو ما لو ش مصداقية من البداية وخلاص - 00:42:11

زي ما بنقول بالزبيط مع النصارى انه من السفة انك تتكلم مع المسلم وتقول له القرآن الكريم اصابه تحريف لو انت اصلا شايف ان القرآن الكريم مش موحى به من الله. الكلام عن التحريف - 00:42:31

بيفقد الكتاب مصاديقته لو افترضنا ان الكتاب ده له اصل الهي موحى به من الله. فاحنا بتنزل وبنقول يا جماعة التوراة دي ممكن يكون لها اصل الهي والانجيل دي ممكن يكون لها اصل الهي او لها علاقة بالوحى بشكل او باخر او ايا كان. فلما بنتكلم عن التحريف بقى دخلوا - 00:42:46

عنصر بشري بقى دخلوا الباطل واختلط الحق بالباطل فما بقاش ينفع ان احنا ناخذ من هذه الكتب عقيدة. لكن الاهم من ده ان هو

من بدايته اصلا مين قال لك ان الاسفار دي مكتوبة بوجي من الله؟ ومين قال لك ان الاسفار دي بالفعل كتبها انبياء؟ فده بيغدق -

00:43:09

ومصداقيته اكتر واكتر. السؤال بعد كده اذا كانوا يقولوا ان الناسوت لا يفارق الالهوت ابدا. فاين كان الناسوت قبل ميلاد المسيح؟

النصارى لما بيتكلموا عن الناسوت والالهوت. الكلام ده عند الكلام عن التجسد. التجسد عقيدة مسيحية حصلت - 00:43:29

في زمن تاريخي معين. قبل الزمن التاريخي المعين ده ما كانش فيه تجسد يبقى قبل التجسد ما كانش فيه ناسوت اللي هو الجانب

الانسانى في المسيح النصارى بيؤمنوا ان المسيح في الاصل هو الله - 00:43:49

كائن الهى له وجود ازلي مع الاقاليم الالهية الاب والروح القدس. يبقى الله ثلاثة اب وابن وروح القدس ابن ده هو المسيح. فيبقى

المسيح في اعتقاد النصارى له وجود ازلي قبل ما ينزل ويعيش على الارض كأنسان. فيه - 00:44:08

وقت ما المسيحي الازلى ده اللي هو الالهوت بس. نزل من السما ودخل رحم مريم وخلق لنفسه منها جسدا. اللي هو صوت واتحد بهذا

الجسد اللي هو الناسوت واتولد وعاش على الارض كأنسان. فبقى الله المتتجسد بعد التجسد بعد اتحاد الالهوت بالناسوت -

00:44:28

اتقال ان الناسوت او بيتقاول بقى الالهوت لم يفارق الناسوت. لا لحظة واحدة ولا طرفة عين. فيبقى الالهوت هو اللي ما فارقش

الناسوت ومقصدهم من بعد عملية الاتحاد اللي هي عملية التجسد. لكن قبل الاتحاد الناسوت ده ما كانش موجود. الناسوت -

00:44:52

عند النصارى مخلوق وهم بيقرروا انه مخلوق هذا المخلوق الله اتحد به في عملية التجسد من ساعتها والالهوت لم يفارق الناسوت

وبسبب الاتحاد بقى فيه حاجة اسمها تأليه الجسد تأليه جسد المسيح وتأليه الانسان بشكل عام والموضوع ده - 00:45:14

انا هتكلم عنه بالتفصيل في فيديوهات قادمة مستقلة ما لهاش علاقة بشرح كتاب اظهار الحق على قناة الدعوة الاسلامية ان شاء الله

السؤال بعد كده بعض اليهود يدعوا ان ربهم يهوه كما يقولوا عنه ليس هو الله الذي يعبد المسلمين وان اسم الله كان يطلق على الله

وثني - 00:45:38

عند قريش ما الرد على هذا الادعاء؟ بص يا اخي الكريم انا انا ما اعرفش ان ده ادعاء اليهود. انا اعرف ان ده ادعاء النصارى. بعض

النصارى بيذعوا الكلام ده. بعض النصارى - 00:45:54

قولوا ان احنا لا نعبد الله وما نعرفش لفظ الجلالة الله ده الله ده اسم الله وثني كفار قريش والعرب الوثنين كانوا بيعبدوه. اما اهل

الكتاب بقى فيبيعدوا يهوه. الواقع ان غالبا الكلام ده يعني ما يقولوش الا - 00:46:04

شخص جاهل. ولو قالوا شخص عنده بعض العلم يبقى هو مش مطلع وعارف كويس الموضوع. لانه لفظ الجلالة الله لما العلماء

بيتكلموا عنه في بعض العلماء العلما بيقولوا هل هو مشتق من لفظة الله ولا ما هواش مشتق - 00:46:24

وهل الله هو نفسه الله بالتخفييف ولا لا؟ بغض النظر المقصود في النهاية ان لفظ الجلالة الله له علاقة بمفهوم الله. وبالتالي انت لما

تبحس في اللغة العربية ولما تبحس في اللغة السريانية او اللغة - 00:46:40

الaramia اللي هي اللغة اللي كان بيتكلملها المسيح عليه السلام نفسه تجد ان اليهود عندهم الفاظ او اسماء لله قريبة جدا من الله او

الله. فهم بيستخدموا كلمة الله في حتى على كثير من المواقع اليهودية. انه بيقرروا ان - 00:47:00

الله زي الله زي الاهيم اللي هي المصطلحات اللي يستخدمها في الكلام عن الله اللي فيها جذر الله او الوهية او حاجة زي كده. فيبقى

بالتالي الله من الله والمقصود به - 00:47:20

الله الحقيقي المستحق للعبادة. ما هواش اسم وثني صرف يعني. فاللي بيقول الكلام ده ده مش فاهم اي حاجة. الكلام ده بيقال لما

مسلا نقول ان ربنا اسمه مسلا آآ مردحاي ولا اللي هو اسم صنم ما لوش اي علاقة بمعنى - 00:47:40

فالمفروض اصلا النصارى ما يعترضش بغض النظر هو يعرف الاسم ده ولا لأ ما يعترضش لما المسلمين يقولوا ان الله اللي بنعبدده

اسمه الله وان لفظ الجلالة الله اسم علم على ذات الله لا يسمى به غيره. والمقصود به او - 00:48:00

انه بمعنى الله. وان كثير من العلماء قالوا ان هو بالفعل له علاقة بالكلمة هو مشتق منه او لغويا مرتبط به ايا كان كان الله يعني الله يعني الله الحقيقي المستحق للعباد. فما فيهوش اي ملحم وثني اطلاقا.انا من الناس اللي - 00:48:20

ان رأي اللي الله بسبب اختلاف اللغات واللهجات فيه كلمات كثيرة شبيهة لها في التراث اليهودي العربي والaramي. ولفظ الجلاله الله كذلك موجود في التراث المسيحي الaramي وكل ده قبل بعسة النبي محمد صلى الله عليه وسلم. يبقى اليهود يعرفوا الله والله والكلام ده كله. والنصارى يعرفوا - 00:48:40

الله والله قبل بعسة النبي محمد صلى الله عليه وسلم. وبيستخدموا الكلمة دي او كلمات قريبة جدا منها للدلالة على الله الحقيقي المستحق للعبادة بنفس المعنى الاسلامي. يبقى لا يجوز الانكار على المسلمين. فيه بقى نقطة تانية ان انت بقى تجيب اسم الله الحقيقي - 00:49:08

وتطلقه على معبودات زائفة. ده قد يكون حدث. يعني انه مسلا يتقال ان كوكب معين هو الله. او القمر هو الله. او ايا او ايا كان هو الله. زي ما النصارى بيقولوا ان المسيح هو الله. ده ايه دخله بالاسم - 00:49:28

يعني انت استخدمت الاسم بشكل خاطئ فاشترت الى معبود زائف واطلقت عليه او ادعیت ان هو الله. ده لا يبطل طيل صحة الاسم فحتى لو افترضنا ان ده كان موجود في جزيرة العرب وده غالبا باطل من الناحية التاريخية والاركيولوجية ان لأ الكفار - 00:49:46 العرب كانوا عارفين ان الله هو الله اللي في السما والمعبودات الثانية دي الهة وثنية لها اسمامي تانية ليست هي الله لكن احنا بنعبدهم ليقربونا الى الله زلفي. وده واضح في القرآن. انا يمكن ما عملتش فيديو اجاوب فيه على الموضوع - 00:50:06

بعدة لآن الواقع اني لم اجد الا للأسف الشديد الا الاغبياء هم اللي بيرددوا الشبهة دي. فبمجرد شرح بسيط بيذول الشبهة وبالفعل الشخص بيقتنع ان آآ ان ده كلام فاضي يعني انت عاوز كأنك عاوز تقنعوا ان المسلمين تصورهم عن الله وعن اسم الله وثني تماما ما لوش اي - 00:50:26

في علاقة بالتراس اللي احنا نعرفه عن انباء العهد القديم وانباء بنى اسرائيل. وده من ابطل الباطل الواقع ان السالوس هو اللي المفروض بيقال عنه كده. هل المسيحيين يؤمنون ان المسيح هو الله خالق الكون والوجود؟ ام هناك فارق بين الوهية؟ ان - 00:50:49

بيؤمنوا ان الاب هو الله. وان المسيح هو الله وان الروح القدس هو الله. وبيستخدموا لفظ الجلاله الله بمعنى انه الله حقيقي مستحق للعبادة. مش بيستخدموا لفظ الجلاله الله كاسم علم يدل على ذلك - 00:51:06 ات الله لأن الاب شخص او اقنوم او كائن الهي الاب اسم علم على ذات الهية والابن اسم علم على ذات الهية والروح القدس اسم علم على ذات الهية - 00:51:26

ما ينفعش اقول عن الاب انه الروح القدس وما ينفعش اقول عن الاب ان الروح القدس وما ينفعش اقول عن الاب ان هو الاب او اقول عن الروح القدس ان هو الاب. لكن عندهم يجوز اني اقول ان الاب هو الله - 00:51:42

والاب هو الله والروح القدس هو الله. لانه لم يعد يستخدم لفظ الجلاله الله كاسم علم على ذات الله. ده بيستخدمه للدلالة على الالوهية الحقيقة. فيبقى الاب هو الله والابن هو الله والروح القدس هو الله. بهذا المعنى بيقولوا ان الله هو المسيح هو - 00:51:59 هو الله وخليل بالك الترتيب ده المفروض عند النصارى ما يفرقش كتير سواء قلت ان الله هو المسيح او المسيح هو الله. الاثنين لهم معنى او لهم تفسير حسب ايمان السالوس - 00:52:19

مش مشكلة. لما لما بنجي نتكلم بقى عن خالق الكون النصارى بيؤمنوا ان الاب خالق والابن خالقه روح القدس خالق. وهم بيؤمنوا ان الثالثة مشتركين في عملية الخلق. رغم ان مثلا قانون الایمان - 00:52:35

قل نؤمن بالله واحد الاب خالق الكل ضابط الكل ما يرى وما لا يرى. لكن لما تيجي تدخل في التفاصيل هيقول لك انه خالق بيسويع المسيح به كل شيء وبغيره لم يكن شيء مما كان في بداية انجيل يوحنا. في البداية كان الكلمة وكان الكلمة عند الله وكان الكلمة الله. كل شيء به - 00:52:53

وبغيره لم يكن شيء مما كان. بيفهموا الكلام ده بمعنى ايه؟ ان الابن او الكلمة هو خالق كل شيء. لدرجة ان في بعض النصارى وقعوا في هرطقة - 00:53:15

ان يبقى الابن خلق الروح القدس طب اشمعنى ما قالش ان الابن خلق الاب؟ ما هو قال لك اصل كل شيء به. به بواسطته. فهو اداة اخدمها الاب. لذلك يتقال ان الاب خالق كل شيء. والابن خالق كل شيء. والروح القدس بقى من ضمن المخلوقات. الكلام ده - 00:53:34

آآ كانت هرطقة موجودة واتعمل علشانها مجمع مجمع القسطنطينية سنة تلتمية واحد وثمانين. ففي النهاية اه النصارى بيفقولوا ان المسيح هو الله بشكل او باخر ولا يستطيع ان ينكر ده ولو انكر ده بيقى كافر في اعتقاده وبيؤمن ان المسيح هو خالق الكون وهو خالق الوجود - 00:53:57

وكل شيء به كان. وبغيره لم يكن شيء مما كان بيؤمن به حرفيا انه ده المسيح وانه بيقى المسيح هو خالق كل الوجود. النصراني وفق اعتقاد السالوس لا ينبغي له انه يفرق ما بين الوهية الاب والوهية المسيح والوهية الروح القدس. التلاتة متساوين - 00:54:18 آآ جيم لانهم حسب اعتقاد السالوس من نفس الجوهر الالهي الواحد لو النصراني فرق بيقى وقع في بدعة وقع فيها الكثير من الاباء آآ خصوصا اباء ما قبل نقية اللي هي بدعة - 00:54:44

تبعية او التدني او ان في اقنوم اعظم من اقنوم وبيترتهم بقى. هل صحيح ان الاباء لم يقبلوا انجيل برنابا فقط لذكر اسم النبي ؟ لأن بص يا اخي الكريم انا دايما لما باجي اتكلم عن انجيل برنابا - 00:55:01

اولا بقول انجيل برنابا اللي تم اكتشافه واللي له نص موجود ما بين ايدينا دلوقتني ده انجيل مصداقيته التاريخية من اضعف ما يكون لأن انه مبني على مخطوطات متأخرة جدا ومخطوطات ليست اصلا للغات قديمة ومليان مشاكل كثيرة جدا. طيب فيه بقى نقطة تانية ان زمان - 00:55:18

قدימה عند الاباء الاوائل وفي كتابات الاباء الاوائل اتكلموا عن حاجة اسمها انجيل برنابا. انجيل برنابا بقى اللي ذكره الاباء الاوائل هل هو نفسه الانجيل اللي احنا اكتشفناه ما حدش يقدر يعرف - 00:55:38

هو انجيل تم رفضه من قبل الاباء الاوائل لكن ما نقدرش نقول لانه ذكر فيه اسم النبي. لأن احنا بنتكلم عن كتابات لاباء اتكلموا عن انجيل برنابا قبلبعثة النبي محمد صلى الله عليه وسلم اصلا. وخليل بالك برضو الاباء المعاصرين اللي كتبوا نقد في انجيل برنابا لأن - 00:55:52

طبعا ما ما نقدوش انجيل برنابا عشان زكر فيه اسم النبي يعني هو كأنه عارف اللي بيتقال اللي على راسه بطاقة مستحيل مستحيل مسيحي يقول لك احنا رفضنا الانجيل ده عشان مذكور فيه اسم النبي محمد - 00:56:12

يبقى هو كانه بيقول انا كافر باعائد وبستكبر وباجحد لمجرد انه ده انجيل ذكر فيه النبي محمد وانا كارهه فمش هؤمن به عشان زكر في مستحيل مسيحي قل كده. لكن الواقع انه لو الانجيل الاربعة لها مصداقية بسبب قدمها لا شيء الا القدم. فهو ده - 00:56:26 برفض انجيل برنابا ان النسخة بتاعة انجيل برنابا اللي احنا بنقرهاها دي ليست لها قدم. فلا نستطيع ان نثق فيها وهي متأخرة جدا جدا ومخطوطاتها باللغة الايطالية يعني مليانة مشاكل. الاستاذ منذر الحايك له كتاب آآ له سلسلة آآ الاصفار - 00:56:50

المقدسة والكتب المقدسة في الاديان المختلفة عامل كتاب انجيل برنابا وعامل له مقدمة ودراسة قايل فيها كل الكلام ده مقدمته تعتبر كويسبة جدا وانا بتبني اللي هو ذكره في المقدمة ان انجيل برنابا ليس له قدم عشان بيقى له اي مصداقية - 00:57:13

قيمة او موسوقية. لو لو كنا وجدنا الانجيل مخطوطات قبل بعثة النبي محمد صلى الله عليه وسلم كان هيفرق معنا كتير جدا. لكن كل المخطوطات متأخرة جدا فده بيفقد انجيل برنابة مصداقية. النصراني طبعا - 00:57:33

مش هيقول لك ان انا رفضته بسبب زكر اسم النبي. هيذكر اشياء كثيرة جدا من ضمنها انها انجيل ليس قديما. بعد بعثة بكثير قرن اتناسير ولا مش فاكر لسنة كم يعني؟ هل ستحدثنا اكتر عن الاريسين وعن عقائدهم؟ نتمنى منكم انشاء حلقة عن تاريخ - 00:57:48 الاريسين لانهم شيطين جدا في نشر باقي المسلمين. انا عملت اكتر من فيديو عن الاريوسية. وفي قائمة فيديوهات على قناة الدعوة

الاسلامية بتكلم فيها عن الاريوسية. وانا بعتقد ان الاريسين اللي مذكورين في حديث النبي محمد صلى الله عليه وسلم. مش هم

الاريو - 00:58:08

مش بالضرورة هم مش نفس ممكنا يكون الاريسين كانوا على اعتقاد الاريوسية وايا كان لكن الاريسين مش مرادف الاريوسيين. مش مرادي في الاريوسية. فانا انا اتكلمت كتير وعملت فيديوهات مطولة - 00:58:28

عن الكلام عن هذا الحديث تحديدا اللي هو رسالة الى هرقل عظيم الروم وآأيبيقى عليك اثم الاريسين. حلقة تقريبا ساعة ذكرت فيها اقوال العلماء والمفسرين الاريسين دول معناهم ايه - 00:58:48

عملت فيديوهات كثيرة جدا عن الاريوسية. والنقطة اللي انا شددت عليها ان الاريوسية ما ينفعش نقول عليها انه شكل توحيدى من المسيحية. لـ الاريوسية كان فيها شرك كان فيها كفر - 00:59:06

وما ينفعش نقول ان اريوس كان موحد ده آـ من خلال التاريخ اللي احنا نعرفه. والا فهو رجم بالغيب. انا اللي انا اعرفه ان الاريوسية موجودة يعني في كنائس معاصرة بتتبني الاريوسية. فلو انت قصدك الاريوسية ماشي لكن لو فيه كنائس بتطلق عليها الا - 00:59:25

اريسية لان اريوس او اريسيه ده مصطلح يعني بيتم استخدامه باللغة العربية مش باللغة الانجليزية ما علينا. هل عندما يطلق النصارى على الله اب فهل هم يقولون ان الله له جنس الذكورة؟ لـ هم ما بيقولوش ان الله له جنس الذكورة. هم بيقولوا ان الله اب اب

- 00:59:47

معنى ايه؟ انه له ولد. ولد بمعنى ايه؟ انه مولود منه له نفس جنسه جنس بمعنى ايه؟ مش بمعنى جندر. لـ جنس بمعنى نوع. نوع يعني ايه؟ يعني انسان حيوان نبات الله - 01:00:10

فكأن في نوع او طبيعة او جوهر اسمه الالوهية الله اب لان الله ولد ابنا. واللي هم بيأكدوا عليه معنى الابوة الذي يفيد انه ولدة ولادة حقيقة تفيد وحدة الجنس ووحدة النوع ووحدة الجوهر - 01:00:34

وحدة الطبيعة فيبقى زي ما ابن الانسان بيبقى انسان زيه وابن الحيوان بيبقى حيوان زيه! ده كلام البابا شنودة. ابن الله بيبقى الله زيه. فيبقى في اب الله بغض النظر - 01:00:59

عن العملية الجنسية او الجندرية لـ ما لوش علاقة هو بـ واحد فكرة الابوة الفادر هود والبنوة بـ. لكن لا بيقول بعملية جنسية ولا بيقول ده آـ في بعض الطوائف - 01:01:15

المسيحية النكرة اللي بتقول انه اه اب ده ذكر وراجل يعني ويبقى قذر صاحب مريم وولد منها المسيح لهم اعتقاد كده غريب مش هو اللي احنا بنسميه المين ستريم مش هو ده الاعتقاد - 01:01:35

اللي الغالبية العظمى من النصارى بيؤمنوا فيما يخص الثالوث اب والابن وروح القدس. الغالبية العظمى من النصارى اللي بيؤمنوا بالاب والام لروح القدس. بيقولوا عن الله قبل لانه ولد ابنا زي ما انا شرحت كده - 01:01:57

مش عشان هو آـ ذكر وفي عملية جنسية او لها علاقة بالجاندر. هل يهوى هو اسم الله وان كان لا فما فمن هو يهوى في فرق ما بين ايمان المسلمين فيما يخص الاسماء والصفات. احنا لما بنؤمن كمسلمين هل من اسماء الله - 01:02:10

بنقول لأـ ليه لانه مش مذكور في مصدر شرعى. قرآن كريم او سنته نبوية الشريفة. لـ احنا كمسلمين ما بنسميش الله عز وجل الا بما سم ما الله عز وجل به نفسه في كتابه او على لسان نبيه محمد صلى الله عليه وسلم. يبقى يهوى ده مش اسم شرعى من اسماء الله. زي ما - 01:02:30

الاب مش اسم شرعى من اسماء الله. لكن لما نيجي نتكلم عن ايمان النصارى ايوه يهوى اسم من اسماء الله. لكن فيه بقى مشكلة او يعني احنا بنرحم على النصارى يعني هل هل بنسألهم سؤال؟ ايوه يهوى مذكور في - 01:02:53

باسم يهوى مذكور في العهد القديم على انه اسم من اسماء الله. بل يمكن هو اسم الله الاعظم او هو المقابل للفظ الجلاله الله هل السالوس الاب والابن والروح القدس؟ السالوس اسمه يهوى ولا الاب بـ هو اللي اسمه يهوى ولا ايه بالزبط؟ لـ انت هتللاقي في

قهوة وكلمة يهوى وروح يهوى. فيبقى واضح ان يهوى مش مش اسم للثالوث ده اسم الاكنوم. وده كلام منسوب للمسيح اللي هو ايه  
بيعاتب اليهود بيقول لهم آآ أبي الذي تقولون انتم - 01:03:31

انه الحكم. فالله اليهود هو يهوى. وكأن المسيح بيقول ان الاب هو يهوى يعني هي دي من ضمن المشاكل المتعلقة بالسسالوس. فبالنسبة  
للنصارى اه يهوى اسم من اسماء الله. يقصد به الثالوث ولا يقصد به الاب دي مشكلة - 01:03:51

بالنسبة لل المسلمين لأ يهوى مش اسم من اسماء الله. لماذا ينكر نصارى كتب انجيل عبرانيين ومسمى انجيل ناصريين وقد وجدت بعض  
المخطوطات فيها تنبأ طيب النصارى في موضوع القانون قانون الكتاب المقدس وتحديد الاسفار - 01:04:08

انا انا عامل على قناة الدعوة الاسلامية قائمة كبيرة جدا عن آآ مشاكل القانون وازاي بنحدد القانون والكلام ده كله. الواقع ان النصارى  
لم يختبروا كل سفر بل كان يكفيهم بعض الملاحظات. يعني ايه؟ يعني يقال تحديدا عن انجيل - 01:04:24

العرانيين انه بسبب ان طائفة مسيحية معينة تم الحكم عليها من وقت مبكر انها طائفة مو هارتقة فباقي النصارى تركوا هذا الانجيل  
ولم يستعملوه. ليه؟ اصل فرقة مهرطقة كانت بستعملها. او يعني خلي بالك بعض - 01:04:44

الاباء على سبيل المثال يعني مين هو اول اب يقول ان الانجيل اربعة ولازم يبقوا اربعة واسمعنى اربعة وفيه حكمة من انهم اربعة  
وقد بقى يستنبط ليه اربعة واسمعنى اربعة. اريناوس اسقف ليون في كتابه ضد الهرطقة - 01:05:04

بيتكلم عن الانجيل الاربعة ومين هم كتبت الانجيل اربعة. واسمعنى هم اربعة وقعد بقى اي نص فيه رقم باربعة في الكتاب المقدس  
قال لك بيقى عشان كده الانجيل لازم تبقى اربعة. عشان مش عارف مين اربعة ومش عارف ايه اربعة ومش عارف مين اربعة. بسبب  
هذا - 01:05:24

اللي بدأ في القرن الثاني الميلادي اغلب الاباء قالوا طب تصدق انت عندك حق. بيقى خلاص كده باب الانجيل اتفقل. ما ينفعش غير  
انهم يكونوا واربعة رغم انها حجج اقسم برب السماء والارض او هن من بيت العنكبوت. لكن يبدو ان اريناوس كان له تأثير لما قعد -  
01:05:44

بان الانجيل اربعة متى ومرقص ولقي ويوحنا. ولازم يبقوا اربعة مش اقل ولا اكتر. فيبدو ان من بداية التاريخ المسيحي مش من  
بدايتها القرن الاول لأ من القرن الثاني من النصف الثاني من القرن الثاني. اغلب النصارى التابعة لهؤلاء الاباء - 01:06:04

اقتنعوا ان آآ الانجيل اربعة وخلاص الانجيل اربعة واحنا عارفينهم ومتى مرقص بيقى بشكل تلقائي وبدون فحص بدون دراسة  
بيقى اي اناجيل تانية مرفوضة. ايا كانت قيمتها او قدمها او خلاص خلص الكلام. احنا حددنا ان هم - 01:06:24

اربعة بيقى هم اربعة بيقى اي اناجيل تانية مرفوضة. غالبا هو ده اللي حصل مع استمرار الوقت. ان النصارى فضلوا يضيقوا الدايرة  
اكثر اكتر واكتر لغاية ما حصرروا الموضوع في القرن الرابع الميلادي ما بين اسفار خلاص اغلب المسيحيين قبلوها اسفار -  
01:06:44

حواليها شك واصفار خلاص احنا رفضناها. ومن ضمن الاسفار اللي حواليها شك دي آآ بعض اصغار معينة وكان خلاص على بدايات  
القرن الخامس اغلب النصارى كانوا خلاص يعني برغم وجود الاختلاف. بس خلاص يعني اغلب الكنائس الكبرى - 01:07:04

كانت حsett تصور لايه هي اسفارنا المقدسة. سواء بقى هنقبل آآ اتنين وعشرين صفر ولا عشرين صفر ولا سبعة وعشرين ولا واحد  
وتلاتين ولا ايا كان. بس خلاص يعني احنا وصلنا لمرحلة ان حتى لو احنا هنختلف مع كنائس تانية بس احنا استقرينا على هذا الرأي -  
01:07:23

هنا بيقول لما يختلف ما في المخطوطة السنائية مع ما جاء في الكتاب المقدس. دلوقتي ما فيش حاجة اسمها مع ما جاء في الكتاب  
المقدس. الكتاب المقدس ده مش مش مرجع معروف - 01:07:43

له كيان معروف فاقول هو ده الكتاب المقدس. واي حاجة تانية ما اسمهاش الكتاب المقدس. لأن المخطوطة السنائية هي نسخة من  
الكتاب المقدس والمخطوطة الفاتيكانية والسكندرية وبيزا وواشنطن والافرایمية وغيرهم. دي نسخ من الكتاب المقدس - 01:07:57

فما ينفعش اقول لما تختلف اي حاجة مع الكتاب لأ ما فيش حاجة محددة اسمها الكتاب المقدس وده فيديو انا شرحته بالتفصيل  
اسمه مشكلتي مع الكتاب المقدس ان ما فيش حاجة اسمها الكتاب المقدس اصلا - [01:08:17](#)

انت تقصد ايه بالكتاب المقدس؟ لا من ناحية النص محدد ولا من ناحية عدد الاصفار محدد. يبقى انت مسلا لو عايز تصحح السؤال  
هتقول طب لما المخطوطة السنائية تختلف مع - [01:08:31](#)

النص المستلم التقليدي للعهد الجديد. او النص المستلم التقليدي للعهد القديم او ايا كان. يبقى لازم في الاخر قد تشير الى مرجع  
معين هيبيقى مصدر من مصادر نص الكتاب. لا يقال عنه انه هو الكتاب. هنا بيقول لك فلما رأيته - [01:08:47](#)  
خط مش عارف مين كميته في وضع مش عارف مين لا تخفي انا هو الاول والآخر. نصوص الاول والآخر اللي ما بينها خلافات.  
لما المترجمين او علماء النقد لم - [01:09:08](#)

يتطرقوا لمثل هذه الامور ام ان ترجمتي معيبة فانا صاحبة هذا التحرير تساعدهم في بضم يا اخي الكريم تحديدا فيما يخص  
النصوص اللي بتتصف المسيح بانه والآخر والالف والياء والبداية والنهاية هم عدد محدد من النصوص موجودين في سفر الرؤية.  
الشيخ عرب ربنا يحفظه ويبارك في - [01:09:18](#)

في له بحس جمع فيه كل النصوص اللي بتدعى ان المسيحي اتقى عنه انا هو الاول والآخر الالف هي البداية والنهاية.  
كدليل على ان يبقى النصوص دي معناها ان المسيح بيقول انا الله. هو لما المسيح يقول انا هو الاول والآخر. الالف والياء البداية  
والنهاية. يبقى يبقى - [01:09:38](#)

تقول ايه؟ ما هو واضحة زي الشمس هو لازم يعني يقول انا الله بصراحة مش لازم. الواقع ان كل هذه النصوص ما عدا نص واحد بس  
عليهم خلاف في المخطوطات - [01:09:58](#)

هتلaci ان حاصل فيها تحريف بشكل او باخر. ناهيك بقى عن التأويل فيما بعد مش دي قضيتي. لكن في النهاية ايه؟ بنصل الى  
نتيجة ان الموضوع ده في المخطوطات حواليه شك. ما دام الموضوع ده فيه نصوص تم تحريفها من اجل التأكيد - [01:10:12](#)  
عليها ومن اجل اثباتها يبقى ما ينفعش تستدل لي بالموضوع ده من من الكتاب المقدس خلاص. الموضوع ده فقد مصاديقته. لأن احنا  
في الآخر لما بنجي نكتشف التحرير احنا محدودين - [01:10:32](#)

بالمخطوطات اللي ما بين ايدينا. وجدنا ان في في هذه المخطوطات اختلافات يبقى هنكتشف التحريف طب لو المخطوطات دي  
تواطأت على شكل معين للنص. هل ده معناه ان النص بالضرورة - [01:10:51](#)

له مصداقية ولم يصبه التحريف. لأنه ممكن يكون تم تحريفه في زمن مبكر جدا في الفترة المظلمة اللي ما لناش لها  
مخطوطات وده حاصل فعلا. يعني فيه نصوص كل مخطوطات العهد الجديد متفقة عليها ومع ذلك علماء النصارى بيشكروا -  
[01:11:06](#)

ويفيها وبيقولوا لأن يمكن يكون المسيح قال النص كده. في شواهد بتدل على ان اكيد المسيح ما قالش النص بالشكل ده. رغم ان  
مخطوطات العهد الجديد كلها متفقة على ان المسيح قال كده. فيبقى في النهاية بنخرج بقاعدة ان حتى لو المخطوطات اتفقت -  
[01:11:28](#)

ده لا يدل على المصداقية فيما يخص الترجمة انا حاليا مش مركز قوي في الموضوع لكن دي المعلومات اللي اعرفها حاليا عن  
الموضوع ده فانصح ان انت ترجع للبحث - [01:11:48](#)

بتاع الشيخ عرب وهتلaci كل ابحاث الشيخ عرب موجودة على المدونة عندي. مدونة التابع لو كتبت في جوجل ابحاث الشيخ  
عرب مدونة التابع هيطلع لك الصفحة خل فيها كل ابحاثه من ضمنها بحث - [01:12:00](#)

هو مسميه الاول والآخر الالف والياء البداية والنهاية. الحمد لله رب العالمين تمت الاسئلة وانا سعيد جدا جدا مهما آآاطلت سعيد بان  
في تفاعل وان الناس بتسأل حتى لو الاسئلة مش بالضرورة لها علاقة مباشرة بالمحاضرات بتاعة شرح كتاب اظهار الحق - [01:12:16](#)  
الا ان هي اكيد لها علاقة بمقارنة الاديان والرد على الشبهات بشكل عام وما دام عندي علم او اجابة اقدر اقدمها ما عنديش اي مشكلة

حتى لو سؤال خارج عن الموضوع - 01:12:35

نكتفي بهذا القدر وان شاء الله نلتقي يوم الثلاثاء القادم باذن الله عز وجل فيديو جديد آآ من شرح كتاب اظهار الحق وبعديه اه حلقة

اخرى لمناقشة الاسئلة السالمة عليكم ورحمة الله وبركاته - 01:12:47

01:13:12 -